

KOMMUNIKAMMA 15 AUGUSTUS 2021



Kontakpersone, indien jy meer inligting nodig het oor een van die sake wat hier verskyn:

Jou blokouderling of -diaken

Niekie Oosthuizen: 082 561 8747; 041 360 1484; kerkkantoor@ngkraggakamma.co.za

Ds MG van Rooyen: 041-3600665; 083 413 7100; mgvanrooyen@telkomsa.net

Ds Toit Wessels: 084 240 2916; toit.wessels@hotmail.com

TEKS van die WEEK

2 Kor. 13:11 "Verder, wees bly, streef na die geestelike volwassenheid, aanvaar vermaning, wees eensgesind, leef in vrede. En die God van liefde en vrede sal by julle wees."

SAKE vir GEBED:

- Dank die Here dat Gert Harmse soveel beter is. Bly bid vir hom en Elizma.
- Tannie Charlotte Janse van Rensburg (Theresa Lombard se ma) is nog in die hospitaal. Bid vir volkome herstel, ook vir haar kinders en kleinseun, Jacques.
- Fred Vosloo is in die hospitaal. Bid vir sy vrou, Sandra en hulle familie.
- Sofia Visser is oorlede. Bid vir haar familie.
- Marius Winter se pa is oorlede. Bid asb vir die familie.
- Gesondheid, veiligheid en genade vir elke gemeentelid, ons predikante, leiers en werkers.
- Krag en genade vir gesondheidswerkers om staande te bly. Bid ook vir die inentingsprogram.
- Almal wat vir ons en ons land se veiligheid verantwoordelik is. Ons president, asook alle leiers in talle posisies.
- Almal wat verbonde is aan die onderwys. Onderwysdepartement, onderwysers, professore, leerders, studente, ens. Die matrieks se rekordeksamen begin volgende week.
- Dankie Vader vir die reën wat ons gekry het. Hou asseblief aan om te bid, want ons damme bly leeg.
- Dankie vir almal wat uitreik na ander wat in nood verkeer, hetsy fisies of geestelik. Al meer mense voel eensaam en afgesonder. Bid vir hulle.

There4-bedieninge se gebedsversoek vir die week:

Bid saam met Christene in **Mali** wie almal uitgeput is, omdat hulle deurgaans leef onder voortdurende dreigemente, diskriminasie en vervolging.

EREDIENSTE IN DIE KERKGEBOU

Die hou van eredienste is onderhewig aan al die Covid regulasies. Daar mag nou net **50 persone** per erediens in die kerkgebou wees.

Indien jy 'n erediens wil bywoon, kan jy die volgende skakel gebruik om die aanlyn vorm te voltooi.

<https://forms.gle/p7mpVSBnHeYdRYuZ8>. Ons versoek dat jy die vorm voor Vrydag 12:00 sal voltooi.

Jou bespreking verseker jou van 'n plek in die eredienste.

Omdat ons net 50 individue in die erediens mag wees, werk ons op 'n besprekings stelsel. Neem asb. kennis dat dit nie 'n vereiste is om plek te bespreek nie, maar dat persone wat bespreek het toegelaat sal word en die wat opdaag net toegelaat word tot ons die getal van 50 bereik. Maw indien daar 44 mense bespreek het, beteken dit dan dat daar slegs 6 mense (wat nie bespreek het nie) toegelaat sal word.

Indien jy wel bespreek het, en om die een of ander rede nie die erediens kan bywoon nie, laat weet ons asseblief telefonies, selfs al is dit op Sondagoggend, sodat ons vir iemand anders die geleentheid kan bied om die erediens by te woon.

Ons versoek hoë risiko persone om nie die dienste in die kerkgebou by te woon nie. Indien jy enige griepsimptome toon, bly asb ter wille van jou eie en ander se veiligheid by die huis.

Digitale dienste het gekom om te bly en sal, soos altyd, beskikbaar gestel word.

PROGRAM VIR DIE WEEK:

Sondag 15 Augustus

Ds Toit Wessels se intrepreek en bevestiging

08:30 Eietydsediens

<https://youtu.be/6YSc9uivAhM> Skakel gerus op Youtube kanaal in as jy die lewendige uitsendings wil volg. Die video sal gestoor word op Youtube, sodat jy ook op jou eie tyd daarna kan gaan kyk.

Die huisgeloof, 'n gesprek riglyn rondom die tema van die erediens, is op die gemeente se webwerf beskikbaar.

Teks: Lukas 24:13-35

Tema: Hoe weet ons Jesus stap saam?

Ons deurdankoffer gaan vir Radio Feba

10:00 Klassieke-erediens

KATEGESE

Geen Kategese vir gr 7 tot 11 a.g.v. Jeugdiens vanaand. Gr 1 tot 6 kategese vind by jul ouerhuis plaas.

18:00 Jeugdiens vir almal in Graad 7-11 en hul mentors.

GETUIENIS

Indien enige iemand julle getuienis met die gemeente wil deel, moedig ons julle aan om dit te doen. Kontak asb met een van die dominees of met Niekie.

Maandag 16 Augustus

12:45 GEMEENTEBIDUUR

Ons hou Maandae 'n gebedsgeleentheid in die konsistorie, maar ook via Zoom. Almal is welkom. Kontak Niekie indien jy wil saam bid of 'n gebedsversoek het.

18:00 Administrasie Diensterrein

Dinsdag 17 Augustus

Voedselhulp aan PE-Noord

Ons help weekliks ongeveer 30 gesinne met kospakkies en ander benodighede. Die nood raak steeds groter. Dankie vir elkeen se ondersteuning.

Behalwe vir die skenkings van kos en klere ontvang, is reeds meer as R235 624 gebruik om kos aan te koop.

Kontant donasies kan in ons kerk se bankrekening gemaak word. Merk dit asb. duidelik vir PE Noord.

Skenkings kan hierdie week op Dinsdag by Willie en Gaynor Swanepoel (Abeliasingel 23) afgelaai word. U kan meer inligting op ons webblad kry of vir Sonja Spies (084 516 4925) kontak.

Woensdag 18 Augustus

KERKKANTOOR

Die kerkkantoor sal elke Woensdag van 08:00 tot 12:00 oop wees. **Geen persoon sal sonder 'n masker toegelaat word nie.** Volg asb die regulasies.

Vrydag 20 Augustus

05:00 MANNEGROEP

Indien jy wil deel word van die groep, kontak vir Frans vir meer besonderhede by sel: 082 773 6205.

Sondag 22 Augustus

Nagmaal

08:30 EIETYDSE-EREDIENS

10:00 KLASSIEKE-EREDIENS

Nagmaaltekens sal by die erediens beskikbaar gestel word, maar jy is ook welkom om jou eie nagmaaltekens saam te bring indien jy dit so sou verkies.

10:00 KATEGESE

Kategese by die kerkgebou vir graad 7 - 11. Covid protokol is in plek en ons sal alles in ons vermoë doen om die jongmense veilig te hou. Graad 1 - 6 kategese vind by ouerhuse plaas.

BOURESERWEFONDS

Ons geboue is 'n getuigenis dat ons God se fontein van liefde is. Die kerkkompleks benodig groot opknappingswerk soos bv verf, facia's, oorhange, geute ens. Die totaal van die herstel- en opknappingswerk beloop na raming baie naby aan 'n miljoen rand. Die werk sal oor 'n tydperk aangepak word soos fondse beskikbaar raak.

Baie dankie vir die baie groot anonieme bydraes wat ons ontvang het. Verbeterings aan die Gazaniastraat pastorie nader voltooiing.

Ons weet dit is moeilike tye vir baie van ons, maar as die Here vir jou geseën het, oorweeg dit asb biddend of jy nie kan help om weer die Bou- en verbeteringsfonds te versterk nie. Oorweeg dit asb ook om in jou erflating 'n paar rand aan die fonds na te laat.

VERJAARSDAE

Ons wens die volgende lidmate geluk met hulle verjaarsdae:

- | | |
|-------------|---|
| 15 Augustus | Carol Koen, Megan Tait en Mari van der Merwe |
| 16 Augustus | Bradley Capes, Naomi Heyns en Hermien Hiscock |
| 17 Augustus | Wollie Wolmarans |
| 18 Augustus | Monica van Jaarsveld en Tian van Niekerk |
| 19 Augustus | Elrie Maree, Igni Scheepers en Ethan Terblanche |
| 20 Augustus | Mindie Friend, Marius Langenhoven, Beyra Strydom, Kay-Lee Swanepoel en Keagin van der Merwe |
| 21 Augustus | Ronel Crouse, Luhein Frazenburg, Robyn Kirchner, Annette Toerien en Salome van Heerden |



DANKOFFER

Die vyfde maand van ons nuwe finansiële jaar is verby en ons kon ons finansiële verantwoordelikhede, met 'n klein surplus, nakom. Baie dankie vir elkeen se dankbaarheidsbydrae. Ons versoek u om steeds die Here met u finansiële offer van dankbaarheid te bly dien. Die dankoffers kan direk in die kerk se bankrekening of deur middel van Snpascan betaal word.

Die kerk se bankbesonderhede is:

NG Kraggakamma
Absa Tjekrek 1400590091
Takkode 632005



STAP OF DRAF VIR HOOP

Die Bybelgenootskap van Suid-Afrika (BSA) bied met dankbaarheid die tweede Virtuele Draf/Stap/Fietsry vir Hoop aan op DV 21 en 22 Augustus 2021. Elke deelnemer se inskrywingsgeld van R100 is 'n bydrae tot ons 2 Miljoen Bybels projek. Daarmee word elke deelnemer 'n saaiër van hoop. Individue kan inskryf deur te registreer en elektronies te betaal op die inskrywingsplatform. Toegang tot die platform word verkry deur gebruik te maak van een van die volgende skakels. Vanweë die effek van Covid-19 en die huidige onrus in die land, was ons genoodsaak om al die fisiese stap/draf/fietsry byeenkomste uit te stel. Ons hoop om dit by 'n ander geleentheid wel te kan aanbied. Die virtuele geleentheid gaan egter volstoom voort. Skryf asseblief in.

Webblad: <https://www.modernathlete.co.za/event/virtual-run-cycle-for-hope/>

Facebook: <https://fb.me/e/4j1OK1ohV?ti=wa>

